



我頭先喺Centrelink，周圍都見到“夠啦”呢個標誌。你知唔知係咩一回事呢？

係啊，**Department of Human Services**（民政部）喺道推廣緊佢哋能夠提供比家庭暴力受害者嘅援助同服務。

佢哋提供咩嘅援助同服務呢？視乎情況，佢哋可以轉介你到喺你社區入面嘅專家援助服務。或者

轉介你去社工道，

佢哋可以為你提供輔導同援助，同協助你去申領某啲津貼。

真係好啦，原來有啲咁嘅服務。我有一個朋友，佢似乎同佢先生嘅關係都幾差。佢先生就無對佢作身體上嘅傷害，但係無佢先生批准的話，佢就唔可以見屋企人同朋友，佢亦都無錢去買野食同買衫。佢非常唔開心，佢亦唔知點做好。

家庭暴力唔單只係身體上嘅傷害，亦都包括有恐嚇性，令人驚，有控制性或意圖令人覺得驚嘅行為。

你唔講我都唔知。而且我朋友佢仲啱啱開始學講英文，佢搬來呢道一年有耐。佢可唔可同**Department of Human Services**（民政部）傾下呢？

當然可以啦。佢可以打**131 202**去**Department of Human Services**道，用佢嘅語言同人傾下。又或者，佢可以打**1800RESPECT**，電話**1800 737 732**，用佢嘅語言同人傾下。個道有為家庭暴力受害者提供嘅免費嘅電話同網上輔導，亦可以轉介你朋友去佢當地嘅援助服務求助，以獲得幫助。

我就唔太肯定我朋友佢暫時願唔願意同其他人傾，我可以同佢講去邊道攞更多資料呢？

佢可以上[humanservices.gov.au/yourlanguage](http://humanservices.gov.au/yourlanguage) 或

[1800respect.org.au/languages](http://1800respect.org.au/languages)。個道有一系列唔同語種，講解有關家庭暴力嘅資料。

唔該曬。我會同佢分享下呢啲資料架喇。